


河間府志



重修河間府誌序



河間府誌修於明朝萬曆杜
公迄今八十年所矣其間天
道人事奇變奇聞不可殫述
然而時日既遠文獻難徵誌
之不可不亟修也蓋以厯有

識者之慮矣况河間自三代
來歷數千載以至我

皇清定鼎無不以此地爲燕趙雄
鎮

畿輔名藩其中師帥是郡及州
邑刺史令宰卿相賢良之生

于是郡者肩背相望忠孝節義往往而有但野乘稗史無足重輕烏可以垂不朽脩將來採風之輶使登之太史蘭臺也哉茲經輔臣衛公特疏奏請重修通志以紀曩今寔

錄天下文獻之徵將於是乎有厚幸矣前此千峯王公祖特重星野考較極詳以陞山東鹺政監司遂于各項未及脫稿而太然其將行也蓋深以有志未逮為歎云幸值梅

志何昉乎志其地志其地所生
之人志其地所貢之賦志其人
與地所被之政迨政有得有失
而民俗淳囂物產豐絀以及兵
農禮樂之興廢莫不於志詳之

是有茲地不可無志守茲地不
可不知志蓋不知志則利弊不
明興除不快政且得少而失多
瀛郡際三代以上東濱大海西
錯九河沮洳焉耳斥鹵焉耳亦
越戰國界於青齊燕趙間稱賢

藩者曰河間獻王稱淳儒者曰
廣川董子稱良守者曰渤海龔
遂教化倡率不爲不沃乃重羅
唐代藩鎮之割據五季諸姓之
紛擾宋室遼金之遞易晨燧夕
燧豕突狼奔雖沐浴膏澤淪胥
殆盡明興定鼎燕京拱護邦畿
優游雅化被服儒風仁讓聿隆
忠孝蔚起彬彬乎西京遺美迨
我

皇國發政施仁鴻儒名彥挺秀岩
廊樸士愿民服勤草野風移俗

易不幾比屋可封哉雖然已易
者人也未易者郡縣也問斥鹵
已膏腴乎問沮洳已原隰乎曰
未也書曰既富方穀詩曰以介
我稷黍以穀我士女事在賢守
令之行政矣清疆域濬河渠繕

城郭民可保聚也平徭役薄征
歛廣物產民可阜康也敦習俗
興典禮崇廉耻備兵鹵民可愚
賤知方緩急無災祲也志成則

愚臣

喜芳規盈前步趨恐後喜孰

甚乃志成則

愚臣

懼若止水若明

鏡誰敢遁形左岱岳右太行襟
海帶湖

天顏咫尺政治得失後之志今一
如今之志昔伊可懷哉洵可畏
也陞任王守草創垂成愚因其
存稿芟繁蕪補掛漏正訛舛續

河間府志

徐序

四

缺略督力梓竣進諸

上憲用答

聖天子之休命

賜同進士出身刑部江西

清吏司郎中出知河間府事

蘭陵臣徐可先撰

續

康熙十六年歲次丁巳九月

附刊

奏疏一道

禮部尚書臣哈爾哈齊臣
龔鼎孳左侍郎臣常璉臣
董安國右侍郎臣顧巴西
臣田種玉等爲遵

奏疏

一

諭條奏事康熙拾壹年柒月

初壹日禮科抄出少師兼
太子太師戶部尚書保和
殿大學士加二級臣衛周
祚奏前事本月初六日奉

旨這應進講書籍知道了餘
著該部議奏欽此欽遵於
柒月拾壹日到部除各部
事宜應聽各該部議覆外
該臣等議得保和殿大學

奏疏

二

士衛周祚疏稱各省通志
宜修如天下山川形勢戶
口丁徭地畝錢糧風俗人
物疆域險要宜彙集成帙
名曰通志誠一代之文獻

也迄今各直省尙未編修
甚屬缺典何以襄我

皇上興隆盛治乎除河南陝
西二省已經前撫臣賈漢
復纂修進呈外請

奏疏

三

勅下直隸各省督撫聘集夙
儒名賢接古續今纂輯成
書總發翰林院彙爲

大清一統志等因前來查直
隸各省通志關係一代文

獻除河南陝西二省已經
前撫臣賈漢復纂修進呈
外其餘直隸各省通志請
勅下各省該督撫詳查各山

川形勢戶口丁徭地畝錢

奏疏

四

糧風俗人物疆域險要照
河南陝西通志款式纂輯
成書到部之日送翰林院
爲

大清一統志恭進

膚覽可也等因康熙拾壹年
柒月貳拾肆日題本月貳
拾柒日奉

旨依議

奏疏

五

河間府志序

今上注意海內軫念元元周知天下郡縣至悉也然內又咨之賢宰相外又責之良二千石豈不以宰相者天下之統率良二千石者郡縣之首領乎其在漢世良二千石則增秩賜金待禮甚優重民命也宣帝時龔遂治渤海盜悉平吏民

寔獄訟止息非其章明較
著者哉夫渤海即今河間
所屬郡也河間為古封建
地拱護

神京眈於青齊燕趙間其勢

衝其事劇山川城郭官署
橋梁宮觀亭鄣無一不脩
且人物風土文章守禦盛
傳古今及夫河渠戶口屯
鹽驛傳諸大政尤班班可

考故非得如漢太守龔遂
者亦未易治吾鄉梅溪徐
公以名進士來守茲土不
踰年郡大治問星野則知
為大梁為析木為元枵問

沿革則知若為唐若為虞
若為三代若為秦漢晉魏
隋唐宋元諸世問疆域則
知三鎮九河烟墩沙堰雉
堞熊關所屬且也河渠何

以治城池何以守景勝何
以悉貢賦何以無缺物產
風俗何以詳明典祀封建
何以考訂前古後今其處
而學出西仕者官何所政

何蹟文事武脩者何人高
風逸韻者何事及夫閨閫
之間亦關風教二氏之學
不絕人寰其能一一通達
否凡若此者公如指掌如